

FAKKEL-FLITSE

Weeklikse nuusflitse vir 'n ingeligte Framesby-familie!



UITGawe 235 · 28 MEI 2021

Kontakbesonderhede: mediasentrum@framesby.co.za

UIT DIE HOOF SE KANTOOR

Beste Ouers

Ek haal Romeine 8 vers 18 aan: "Ek is daarvan oortuig dat die lyding wat ons nou moet verduur, nie opweeg teen die heerlikheid wat God vir ons in die toekoms sal laat aanbreek nie". Kom ons hou hieraan vas. Alle eer aan Hom!

Ek wil graag die volgende belangrike sake onder u aandag bring:

A) VRAESTELLE EN KWARTAALTOETSE VOOR DIE EKSAMEN [GRAAD 8 – 12]

Vind aangeheg die vraestelle en kwartaaltoetse wat voor die eksamen geskryf word. Sien Addendum A.

B) EKSAMENROOSTER JUNIE/JULIE 2021 [GRAAD 10 – 12]

Vind aangeheg die eksamenrooster. Sien Addendum B.

C) TOETSROOSTER JUNIE/JULIE 2021 [GRAAD 8 – 9]

Vind aangeheg die toetsrooster. Sien Addendum C.

D) TOEGANG TOT ONS REKENAARNETWERK VIR LEERDERS

Ons kondig met groot opgewondenheid aan dat ons nou die Framesbyleerders op die nuwe WiFi-stelsel kan toelaat. Dit sal volgens graadgroep oor die volgende 1 - 3 weke geskied. Dit is egter nie 'n "Free-for All" - toegang tot die internet nie. Streng internet toegang- maatreëls is in plek en sal voortdurend opgedateer word – vir die beskerming van ons skool en leerders. Die Internet/WiFi-toegang sal slegs as 'n ondersteuningsmedium vir onderrig gebruik word.

Die volgende stap is om vir u die "Acceptable Use Policy" te stuur. U, as ouer, en leerder moet dit asseblief onderteken. Daarna sal u met 'n "Username & Password" voorsien word wat die leerder toegang tot die WiFi sal gee. Ons beoog om hopelik teen die einde van die week ons eerste graadgroep op die WiFi-stelsel te hê.

Omtrent ons huidige netwerk infrastruktuur die volgende: Ons WiFi-stelsel bestaan uit 62 binne WiFi-eenhede en 5 buite WiFi-eenhede. Die "Fibre Backbone" bandwydte is tans 10GB deur die skool, met n 1GB Fibre internetlyn. Hierdie is slegs die beginpunt. In die toekoms kan die netwerk vergroot en verbeter. Al hierdie moontlikhede maak ons baie opgewonde.

E) OUERAAND

As gevolg van Covid kan ons nie alle leerders en ouers ontvang nie; dus het ons sekere graad 8- en 9-ouers per brief na die oueraand eerskomende Donderdag, 27 Mei 2021, uitgenooi. Hierdie leerders en ouers is verplig om die oueraand by te woon.

REËLINGS IS AS VOLG:

- Vind plaas tussen 18:00 en 20:00.
- Leerder is vergesel deur EEN ouer.
- Die afspraak vind in die klaskamers van die personeel plaas.

HIERDIE WEEK SE FAKKEL-FLITSE WORD MET TROTS GEBORG DEUR:
SUNRIDGE VILLAGE



Centre Management:
041 360 9442



Kragga Kamma Road,
Sunridge Park



GENERATED POWER 24/7



- Slegs vir vakke soos op die brief aangedui.

F) HULPKLASSE

Daar is nog steeds leerders wat op uitnodiging die verpligte ekstra klasse in Wiskunde nie bywoon nie. Hierdie leerders het 'n brief hiervoor ontvang. Ouers, ek doen 'n beroep op u om toe te sien dat u kind dié klasse bywoon.

G) COVID

Daar is tans 2 Covid gevalle en 16 leerders in isolasie.

Die proses wat ons volg as 'n leerder positief in die skool is, is as volg:

Die positiewe leerder word vir TIEN dae in isolasie geplaas vanaf toetsresultate verkry is.

Die positiewe leerder identifiseer dadelik die naaste kontakte.

Hierdie kontakte, tot en met TWEE dae voordat die leerder positief getoets is, word onmiddellik opgevolg. Hierdie leerders word dan vir TIEN dae, vanaf die datum wat hul met die positiewe leerder in kontak was, in isolasie geplaas.

Indien hierdie kontakte geen simptome toon nie, móét hulle ná SEWE dae vir 'n Covidtoets gaan. Indien negatief, kan die leerder terugkeer. Andersins eers na TIEN dae.

Ouers noue kontak word as volg gesien: 15 minute binne 1 meter sonder 'n masker.

Die skool beoordeel hierdie noue kontakte en sodra ons voel daar is net 'n geringe kans van infeksie, plaas ons hierdie leerders in isolasie.

H) SPORT

Dit is vir ons beslis sleg dat sport en kultuur tot 'n groot mate tot stilstand geruk is. Terselfdertyd moet ons die besluit respekteer en eerbiedig, want ons het begrip daarvoor.

Volgens omsendbrief 2 van 2021 mag slegs die volgende sport- en kultuursoorte oefen:

SPORT

Atletiek
Bergfietsry
Dans
Gholf
Landloop
Muurbal
Stapklub
Swem
Tennis

KULTUUR

Debat & Debating
Forte
Fuoco
Flinkdinkers
Kunsklas
Landsdiens
Mediaprefekte
Redenaars
Sweepslag
Toneel
VCSV – groot groep

Hierdie nie-kontaksporde en kultuur-aktiwiteite sal dan volgens Covid-19 regulasies voortgaan.

Ek dank u vir u volgehoue ondersteuning. Soos ek dikwels vir u sê: die toekoms van Hoërskool Framesby is blou en goud! Kom ons werk almal saam om dit so te hou.

Vriendelike groete



MARIUS GERMISHUYS
SKOOLHOOF



Centre Management:
041 360 9442



Kragga Kamma Road,
Sunridge Park



GENERATED POWER 24/7



ADDENDUM A

DIE VOLGENDE VRAESTELLE EN KWARTAALTOETSE WORD VOOR DIE EKSAMEN GESKRYF:

Maandag 7 Junie	Afrikaans V2 [Graad 10 tot 12] (45 minute skryf en 10 minute leestyd) Skeppende Kunste (Musiek en Drama) [Graad 8 en 9] (40 minute)
Dinsdag 8 Junie	Afrikaans V2 [Graad 10 tot 12] (60 minute skryf en 10 minute leestyd) Lewensoriëntering [Graad 8 en 9] (75 minute)
Woensdag 9 Junie	English FAL [Graad 10 en 11] (45 minute) Tegnologie [Graad 8 en 9] (50 minute)

OGGENDREËLINGS VIR TOETSE 7 TOT 9 JUNIE:

- Die gr. 8's tree almal (Kritte en Visse) aan by hul aantreepunt om 07:20.
- Dieselfde seksies vir gr. 8 word verdeel soos vir April met 'n 'oorloopklas'.
- Al die gr. 8-leerders sal dan in kleiner groepe verdeel wees.
- Die gr. 9-leerders tree almal (Kritte en Visse) direk by hul voogklas aan om 07:20.
- Die gr. 8- en 9-leerders, wat nie die dag by die skool moet wees nie, verdaag huis toe direk na hul skryfsessie. Hierdie leerders verdaag by hek A.
- Al die gr. 10- tot 12-leerders skryf hierdie eksamenvraestelle in hul voogklasse.
- Leerders moet asseblief seker maak hulle is hierdie oggende betyds.

ADDENDUM B

JUNIE EKSAMEN GR. 10-12
11 JUNIE - 2 JULIE 2021

Dag en datum	Oggendsessie 08:00			Middagsessie 14:00		
	Gr. 10	Gr. 11	Gr. 12	Gr. 10	Gr. 11	Gr. 12
Vrydag 11 Junie	Drama 2 h IT 2 h	FW V1 2 h	RTT(CAT) V1 3 h	LO 2 h		Afr V3 3 h
Maandag 14 Junie	LW 1½ h	FW V2 2 h Drama 2 h	VBS 2½ h	Afr V3 2 h	Eng HL P3 1½ h	IGO V1 3 h
Dinsdag 15 Junie	WG * 1½ h	Rek 1½ h			Eng HL P2 2½ h Eng FAL P2 2 h	Toerisme 3 h Musiek V1 2 h
Donderdag 17 Junie		WG * 1½ h		FW V1 1½ h	Geografie 1 h	Geografie 3 h
Vrydag 18 Junie				Eng HL P2 2½ h Eng FAL P2 2 h	BS 1½ h	Wisk V1 2 h WG V1 2 h
Maandag 21 Junie	FW V2 1½ h	LW 1½ h	Wisk V2 2 h WG V2 2 h		LO 2 h	
Dinsdag 22 Junie	Toerisme 2 h	Musiek V1 1 h		Musiek Pr.	Afr V3 2½ h	FW V1 3 h
Woensdag 23 Junie		VBS 2 h	RTT(CAT) V2 2 h	Rek 1½ h		
Donderdag 24 Junie			FW V2 3 h	Afr V1 2 h	IGO 3 h	
Vrydag 25 Junie		RTT(CAT) V1 2 h	Rek V1 * 2 h Musiek Pr.	VBS 1½ h Musiek V1 1 h	Afr V1 2 h	
Maandag 28 Junie	BS 1½ h	Wiskunde 2 h	IT 3 h	Eng HL P3 1½ h		LW 3 h
Dinsdag 29 Junie	RTT(CAT) V1 1½ h	IT 3 h				Eng HL P2 3 h Eng FAL Literature 2 h
Woensdag 30 Junie	Geografie 1 h	Musiek Pr.	Rek V2 * 2 h			
Donderdag 1 Julie	IGO 1½ h	Toerisme 2½ h				Afr V1 2 h
Vrydag 2 Julie	Wiskunde 2 h		IGO V2 3 h			

ADDENDUM C

JUNIE TOETSREEKS GR. 8-9
25 JUNIE - 2 JULIE 2021

Dag en datum	Eerste skryfsessie 09:00		Tweede skryfsessie 12:00	
	Gr. 8	Gr. 9	Gr. 8	Gr. 9
Vrydag 25 Junie	Eng FAL Eng HL 90 min	Wiskunde 90 min		EBW 1 uur
Maandag 28 Junie	Geskiedenis 90 min	Geografie 80 min	EBW 1 uur	Afrikaans 2 ure
Dinsdag 29 Junie	FW 55 min	LW 50 min		
Woensdag 30 Junie	Wiskunde 90 min	Eng FAL Eng HL 2 ure		
Donderdag 1 Julie	Geografie 80 min	Geskiedenis 90 min	Afrikaans 90 min	
Vrydag 2 Julie	LW 50 min	FW 55 min		

TENNIS UITSLAE:

Die volgende leerders het aan die Nelson Mandela Prokennex Mini 2-toernooi in PE deelgeneem. Hulle het uitstekend gevaar.

Meisies enkels o/18

Monique van Rooyen - 4de
Chandre jv Rensburg - 10de



EMIL

Seuns enkels o/16

Emil Viljoen - 1ste
Chrisstian Viljoen - 3de
Keaton Holm - 4de



JJ

Seuns dubbels o/16

Emil en Chrisstian - 2de

JJ de Lange (o/14) - 6de in enkels (Gold groep)
- 1ste in dubbels

FRAMESBY KLEREWINDEL



**PUMA
“HOODIE”
R700**

DAAGLIKS OOP VAN 08:00 - 10:00



Centre Management:
041 360 9442



Kragga Kamma Road,
Sunridge Park



GENERATED POWER 24/7



Hoërskool Framesby

DIE PLEK OM TE WEES!



Waardegedreve skool wat spog met uitnemende sport, kultuur en akademie.

BUSDIENS VANAF 2022

Private en veilige busdiens, Maandae tot Vrydae vanaf Uitenhage/Despatch na Hoërskool Framesby. Die bus vertrek soggens en laai die leerders na sport- en kultuur-oefeninge af.

Vanaf R1 600 tot R2 000 p.m.

NUWE VAKKE OP DIE HORISON

Die afgelope tien jaar spog Framesby met 'n slaagsyfer van 98,9%. In 2020 spog die skool met 'n 99%-slaagsyfer, 95% van die matriekgroep kan verder aan 'n tersiêre instelling gaan studeer waarvan 83% graadstudies kan doen en 12% kwalifiseer vir diplomastudies. Ons top student spog met 'n gemiddeld van 92,3% en sewe onderskeidings. Sy is ook aangewys as die derde beste leerder in die Port Elizabeth-distrik en het 'n volle beurs vir die duur van haar studies by die premierskantoor ontvang. Die volgende vakke is op die horison: Landbou, Kodering, Robotika en Visuele Kuns.

VOLG ONS OP



Vir verdere besonderhede kontak die hoof by 062 251 8966

041 360 1257 | skoolhoof@framesby.co.za | www.framesby.co.za

STUDENTESENTRUM VORDERING:



EINDPRODUK



INGEBRUIKNEMING: 26 Julie 2021



Hoërskool Framesby

(Afrikaansmedium)

AFRIKAANS HUISTAAL GR. 8 - 12

Onderwyspos (Beheerliggaam)

- Meld bykomende vakke.
- Meld buitemuurse bedrywighede.
- Diensaanvaarding: 26 Julie 2021
- Sluitingsdatum vir aansoeke: 4 Junie 2021
- Slegs persone wat vir onderhoude genooi word, sal gekontak word.
- Beheerliggaam hou hom die reg voor om nie die pos te vul nie.
- Vergoeding inlyn met departementele skale.
- Epos volledige aansoeke en CV's aan:
skoolhoof@framesby.co.za

Tel : 041-360 1257 | Faks : 041-360 7787

FRAMESBY OUDSKOLIERE



ONS GESELS MET: PINNIE HEARN



Pinnie Hearn

Ek is onlangs gevra om 'n storie vir die Framesby oudskoliere-blad van my lewe, sedert ek skool verlaat het, saam te stel. Sowel as die gebeure wat my aan my jare by Framesby herinner. Veral in die lig daarvan dat dit reeds 31 jaar is vandat ek skool verlaat het (en dit met my groot 50 mylpaal in die vooruitsig) en reeds geseënd is om die moeder van twee seuns, Connor (15) en Jonathan (13) te wees. Hoe dit ook al sy, hier gaan dit.

Om ouer te word is nie 'n keuse nie, maar om oud te wees (voel) is 'n kopbesluit. Daarom is my keuse om nooit "oud" te wees nie. Soos wat Clint Eastwood op die ouderdom van 88 op die vraag hoe hy so jong van gees bly, geantwoord het: "I just don't let the old man in".

Die reisgogga het my al vroeg in my lewe gebyt en my droom is, om wanneer ek aftree my, rugzak te vat en die dele van die wêreld te gaan beleef wat ek nog nie gesien het nie. Reis, fotografie, die natuur en avonture voed my siel en maak my op my gelukkigste. Ek het na skool eers gaan "au pair"- werk in Switzerland doen en dis huis toé, dat ek besef het hoe mal ek oor toer is. Ek was daarna geseënd om Suidelike Afrika tot sover as Kenia taamlik te ervaar en redelike tye in Indië, die Midde Ooste en Suid-Amerika te spandeer. Dit het egter net my reislus meer aangewakker. Na my "Au Pair"-werk in Switzerland het ek aan die Universiteit van Stellenbosch 'n graad in Verbruikers-

Wetenskap (cum laude) behaal. Tydens die studies was ek 4 jaar lank in Heemstede Koshuis waar ek Primaria in my vierde jaar was.

Die lewe maak interresante draaie met 'n mens, maar soos wat die Bybel sê: "Alles werk ten goede mee". Gewapen met die nodige kwalifikasie, was my droom nog altyd om 'n loopbaan by Woolworths te volg. Dit was egter nie so eenvoudig om 'n droom te laat realiseer nie. Die enigste manier hoe ek met my droom kon begin, was om met 'n pos heel onder te begin deur, geklee in my uniformpie, rakke te pak by Greenacres se Woolworths. Ek en my ego het maar erg hiermee gesukkel, maar het ook so baie oor myself en die lewe in die proses geleer. Ek sal dit nie anders doen as ek nou 'n keuse gehad het nie. Ek werk nou al amper 20 jaar vir Woolworths en doen nou vanaf hoofkantoor in die Kaap produk-ontwikkeling in die kos afdeling.

In 2004 het ek sabatsverlof geneem om my reislus effens te bevredig. Soos hierbo genoem, was die bestemmings Indië, die Midde Ooste en Suid-Amerika. Ek het verskeie ondervindings, wat ook bietjie erosie aan my senuwees veroorsaak het, beleef. Dit was egter an die beste ondervindings wat ek nog in my lewe gehad het.

Drome en doelwitte is absoluut noodsaaklik, maar die lewe volg nie altyd maklike paaie nie en 2015 was vir my die moeilikste. My lewe het verskeie veranderings op my pad gebring, insluitende persoonlike ingryppings: huis verkoop, trek, nuwe woonplek wat nog in aanbou was koop, herstrukturering by die werk en my ma wat oorlede is. Gelukkig kan ek weer eens getuig dat dit mens net sterker maak!

Wanneer mens deur sulke moeilike tye gaan, kan mens maklik gaan lê - ek het amper 'n paar keer. En dit is dan dat dit nodig is om uitdagings te aanvaar. Op die ouderdom van 44 begin ek aan driekamp deelneem en in 2017/2018 voltooi ek drie Ironman 70.3 resies en een volle Ironman in PE. Die eerste 70.3 was saam met my sussie Anna-Marie (ook 'n oud Framesby-skolier) wat definitief ook een van die hoogtepunte in my lewe was. Voor dan kon ek nie twee lengtes in 'n swembad swem nie, maar om sulke groot vrese te oorkom, was verseker vir my 'n baie waardevolle les in die lewe. Ek gaan hopelik weer eendag daar by PE kom swem, fietsry en hardloop. Dis 'n lekker plek daar!

My familie dink nog steeds ek is mal, vir my is dit 'n kompliment. Die lewe is nie perfek nie, die lewe



is nie altyd maklik nie, maar ek streef daarna om dié beste van die voorreg te maak.

My skooljare in Lorraine en Framesby was vrek lekker. Daar was nie eintlik bekommernisse nie, behalwe by wie ek die Wiskunde-huiswerk voorskool kon kry om af te skryf. Ek was mal oor hokkie, atletiek (hekkies veral), koor en sing. Biologie by Mn. Terblans was en sal altyd my gunsteling vak wees. Ons is drie dogters. Alitha bly baie naby my in Durbanville en Anna-Marie is 'n tandarts in Engeland. Ons is streng grootgemaak daarvoor is ek dankbaar.

Ek dink met 'n glimlag terug aan kooroefeninge by Juanita Lamprecht, koortoere en Hannes du Plessis wat my 'n op 'n rit rondom die skool geneem het op sy motorfiets. Ek dink ook dikwels terug aan Interskole teen Andrew Rabie, ons goeie rugbyspan wat deur Basie afgerig is, Natasha wat ons sjampanjenooi was, Sokkie "jolle" by die skool, die hoop dat jou 'crush' opdaag, dirigente wees by atletiekbyeenkomste, die matriekstap, Maskerballe en 1990 se leerlingraadkamp.

Marika Gerber, Lizelle Nel, Pannie en Liezl Hartman het in die pad afgebly en in daardie jare kon mens nog veilig heen en weer stap en fietsry. Ek het gereeld skool toe fietsgery teen Kragga Kamma op – dit was nie lekker nie. In standard 8 wou ek my hare soos Signourney Weaver hê (my hare is behoorlik reguit). Die haarkapper het egter duidelik nie reg verstaan nie en ek het gelyk soos 'n "golliwog" – 'n moeilike ding om op die ouderdom van 16 te hanteer en as ek nou na al die foto's kyk, het ek duidelik nie besef dat 'n "perm" nie "cool" is nie.... en 'n 'bubble'. My modesin van daardie tyd veroorsaak dat ek nou in die grond wil insak.

Die meeste van my hartsake was maar 'n stille bewondering met die eerste 'crush' op die onderhoofseun, Aubrey, toe ek in standard 6 was. Ek het ook onlangs my dagboek uit 'n boks gaan krap. Dit het daarvan getuig dat ek op die ouderdom van 16 omtrent elke maand op iemand anders verlief was. Ek het saam met Bazil de Coning matriekafskied toe gegaan en die crush was nie so 'silent' nie. Ek kom ook onder andere af op 'n klomp Framesby Forums - waar Quinton en sy redaksie hulle baie goed van hulle taak gekwy het en glad nie bang was om 'n ding reguit by die naam te noem nie! Ek onthou ook dat die Forum 'n rugbydag gereël het... 'n onderwyserspan (Marietjie Landman Kaptein), afgerig deur James Stokes en 'n skoliere-span (Inge Johannesen Kaptein) afgerig deur Andries Fourie met die skeidsregter Tiens Bester. Miskien het die twee spanne 'n "re-match" in 2021 nodig.

Behalwe vir die worstelinge as 'n tiener, dink ek met baie mooi herinneringe aan my tyd in Framesby en die vriendskappe wat nou nog bestaan, die invloed wat my ouers, vriende en onderwysers op my lewe gehad het. Mens waardeer nie altyd hoe lekker die lewe is as jy 'n tiener is nie, maar niks kan daardie ondervindinge en goeie herinneringe van mens wegvat nie. Ek vertrou dat dit regtig goed gaan met al die oudskoliere en onderwysers en dat julle die lewe voluit leef - al raak dit soms moeilik

Dankie vir al die goeie herinneringe – dit was vrek lekker en spesiaal om dit weer te kon herleef.
Pinnie



OUDSKOLIERE NUUS

Rynier Bernardo

Die Toyota Cheetahs speel Saterdagmiddag om 16:00 teen 'n Toyota Uitnodigingspan. Een van die skool se voormalige leerlinge, Rynier Bernardo, sal in die skool se rugbykouse speel.

Die rationaal hier agter is om eer aan die massiewe rol wat skole en skoleafrigters in die rugbyloopbane van professionele spelers speel, te bring. Die wedstryd word **Saterdag** om **16:00** op **Super Sport** uitgesaai.



KONTAK ONS GERUS



Framesby spog met soveel oudskoliere wat naskool presteer. Indien jy van iemand weet en graag die persoon vir volgende week se Oudskoliere-berig wil nomineer, kontak ons gerus : mediasentrum@framesby.co.za. Ons wil graag berigte plaas van al ons oudskoliere, maar benodig hul selfofoonnummer/e-posadres om kontak te maak.

Omdat die skool nie altyd in kennis gestel word van prestasies nie, is die skool nie bewus daarvan nie. Ons weet daar is maar min mense wat iets oor hulself sal instuur, dus vra ons dat indien u van iemand weet wat presteer het, u ons sal kontak. Framesby is trots op al hul oudleerders en wil graag spog met almal se prestasies.

REÜNIES 2021

Op die stadium word daar geen funksies a.g.v. Covid op ons skoolterrein gehou nie. Ons sal reünie-groepe egter op hoogte hou indien reëlungs verander.

Ons vra intussen vir die volgende jaargroepe (1971, 1981, 1991, 2001 en 2011) om foto's en stories aan na mnr. Rauch by wrauch@framesby.co.za te stuur.

Mnr. Rauch beoog om weer 'n gedenkblad vir die jare se reünie-groepe saam te stel. Ons vra ook dat die hoofleiers van elke jaargroep met hom sal kontak maak.



FRAMESBY OUDSKOLIERE (FOS)

Beste Oudskolier

Ons wil julle graag van gebeure rondom jul alma mater op hoogte hou. Om hierdie rede wil ons graag ons databasis op datum bring en vra dat alle oudskoliere asb. die volgende inligting na fos@framesby.co.za sal e-pos:

NAAM EN VAN :

NOOIENSVAN:

ID-NOMMER:

JAARTAL GEMATRIKULEER:

ADRES:

PROVINSIE:

BEROEP:

TELEFOON:

SELFOON NOMMER:

E-POSADRES:

U inligting bly hoogs vertroulik.

Die rede hoekom ons u ID nommer benodig is om te verhoed dat ons duplike op ons sisteem stoor.

UIT DIE ARGIEWE:



Framesby

ONDERSTEUNERSVERENIGING

- * Akademie
- * Sport
- * Kultuur

*Ons voel trots
op ons skool*

Tel. 041 360 1257
www.framesby.co.za



Hoërskool Framesby

Ons bied jou steeds die BESTE op alle terreine

Om dit te bevestig, voorsien ons graag die volgende feitlike AKADEMIESTE RESULTATE vir die afgelope 7 jaar:

★ Graad 12-kandidate:	1 394
★ Slaag:	1 394 (100%)
★ Universiteitstoelating:	723
★ A-gemiddeldes:	180!!!

Selfs meer uitstaande is die feit dat FRAMESBY die spesiale REKORD hou van 4 keer die NOMMER EEN kandidaat in die hele Oos-Kaap te lewer. Baie beslis enig in sy soort in die Oos-Kaap (en vermoedelik selfs in die land) FRAMESBY bring hulde aan sy gebalanseerde leerlinge, hul ouers en ons toegegewye onderwysers

TOP KANDIDATE in die Oos-Kaap

1996



YOLANDI FERREIRA

1998



CORNÉ ENGELBRECHT

1999



JACO CALITZ

2002



MARCO WELGEMOED



BOWLED OVER... Marizanne Kapp, 15, with the trophy she won at the master's world series and junior international indoors action cricket tournament in Port Elizabeth. She was chosen as the best bowler for girls under-19 and is the only EP player chosen for the SA squad, of which she is the youngest member.

Picture: IIVOR MARKMAN.

1998



Die hoofredaksie is van links Tertius Barnard, Vicki Rothman, Corné Oosthuizen (redakteur), Jackie Jooste, Emilia Morrison en Liana von Mollendorf. Voor is Chrizelle Prinsloo en Marga Lombard.

Forum derde beste koerant in Suid-Afrika

Corné Oosthuizen

"Forum is op pad boontoe en moet beslis in die toekoms dopgehou word," het die beoordelaarskomiteeaar gelui tydens die NSP glansdaard.

Forum is vanjaar aangewys as die Derde Beste Skoolkoerant in Suid-Afrika in Naspers se Nasionale Skoolkoerantkompetisie.

Forum is sedert die begin van 1998 in beheer van die leerlings en word nou bedryf soos 'n ware sakeonderneming.

Die redaksie het besluit om in te skryf vir die betrokke kompetisie wat geelofs word deur die Nasionale Skoolkoerant Projek (NSP).

Forum het ingeskryf met die oogmerk om ondervinding op te doen deur die journalistie se kritiek oor ons publikasies positief om te sit en terug te werk in die koerant.

Groot was die redaksie en veral die redakteure se verbassing toe maar Pretorius hom inlig dat Forum aangewys is as die derde beste skoolkoerant in Suid-Afrika uit die sowat 400 inskrywings landwyd.

Groter die verbassing toe is dat die uitvinding dit is nie al nie.

Forum het ook die prys gewen vir die tweede beste gedrukte skoolkoerant, tweede beste siekplan asook die beoordelaars-toekenning vir beste vordering.

in 'n skoolkoerant in Suid-Afrika. 'n Rukkie later het ons ook verneem dat die derde beste sportberg in die kompetisie gewen is deur Vicki Rothman vir haar berg oor rugby in Forum se Herfs '98 uitgawe.

Forum het die verdedigende wener, Semper van Paul Roos Gimnasium op Stellenbosch, gewen. Hulle bevind hulself op die oomblik in die vierde posisie.

Wat Forum se prestasie nog meer merkwaardig maak, is dat dit hal eerste deelname aan die betrokke kompetisie was en dat die hoogste posisie wat nog deur 'n Oos-Kaapse skool behaal is, 73ste was.



Centre Management:
041 360 9442



Kragga Kamma Road,
Sunridge Park




GENERATED POWER 24/7



UIT DIE ARGIEWE:

1999



Lou Lochner, graad 12-leerling aan HS Framesby, was een van die top ses in die landswye Egoli-kompetisie wat deur Franz Marx Films en M-net geloods is. Lees meer op bl.3.



Ryno Lingenfelder en Corlé Meyer met hul kroning as Mnr. en Mej. Framesby 1999. Dié sand met die tema "Amasone-oerwoud" het soos in die verlede vir 'n glansgeleentheid gesorg.

1998



Marietjie Langner pryk in haar S.A baadjie.

Nuwe Junior Springbok van Framesby Hoër gou na Australië

Tertius Barnard

Die skote klap nog steeds op 'n gereelde basis hier op Framesby se skietbaan. Of dit nou net oefening is of 'n Inter-provinsiale bisley, hier op ons eie baan is waar dit alles gebeur.

Vrystaat se skietspan het vir OP oor die Maartvakansie kom kuier. Na twee dae se strawwe kompetisie het hulle seker redelik goed gevoel nadat hulle die Junior seuns-en dogters-, asook die Senior dogtersafdelings gewen het.

OP se Senior seunspan het egter 'n vermederende algemele nederlaag voorkom deur hul wedstryd met een punt uit 'n moontlike 4 000 te wen.

Die algemene wenner was op die ou einde Framesby se eie Wimpie Wilken met 'n baie goeie telling.

"Die bisley was 'n groot sukses en sal op 'n jaarlikse basis gehou word. Daar sal volgende jaar ook meer spanne deelneem," het mnr.

Langer gesê.

Oostelike Provinse-skiet beplan 'n toer na Kaapstad gedurende die Junie-vakansie.

Hopelik is daar weer soveel van Framesby se skuts (17 om presies te wees) in dié spanne.

Op plaaslike vlak het Framesby weereens bewys hy is die sterkste skool in die Oos-Kaap.

Hulle het hul eerste twee wedstryde teen DP en Grey baie oortuigend gewen.

Die groentjies kom ook goed aan m.b.v. mnre. Langner, Klingelhoeffer en oom Tony wat vier dae 'n week wyse woorde wissel.

Marietjie Langner is Framesby se sewende Junior Springbok skut. Sy is gekies vir die Suid-Afrikaanse span Junior Skietspan wat Junie in Australië gaan toer.


Verlede jaar het Nadine Greyling die Oostelike Provinse span gehaal en Framesby verteenwoordig.

WINTER
PROMO

R1500[£]_£
~~£~~

your **frame or lens
enhancements**

Terms and conditions apply.



FOR AFFORDABLE EYE CARE

SUNRIDGE PARK
Shop 30 | 041 360 8406

Ts&Cs apply. This offer is subject to the purchase of an eye examination, prescription frame and prescription spectacle lenses. View full Ts&Cs at www.specsavers.co.za. E&OE.